

Date – 07/06/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Chief Minister Pu Lalduhoma kaihhruiin nimin khan Council of Minister an thukhawm.
2. Melthum a chenna in 3 te chu ruahtui a tam chuan a himlo a ngaih a nih avangin, heng in 3 te hi hmun him lam pan rih tura tih an ni.
3. National Democratic Alliance (NDA) te chu sawrkar siam turin an inpuahchah zui zelk

<><><>

CABINET MEETING

Chief Minister Pu Lalduhoma kaihhruiin nimin khan Council of Ministers thutkhawm CM Conference Hall ah neih a ni a, thurel zingah Myanmar nena inrina hung chungchang leh zalen raka ramria inkalpawhna Free Movement Regime a tel.

Pu Lalduhoma kaihhrui Council of Ministers meeting ah hian Agenda hrang hrang 20 chhawpchuah a ni a, Home Department atanga lut Raltlan te chhinchhiahna tur biometric data bakah ramri hung chungchang te, zalen taka ramria inkalpawhna Free Movement Regime chungchang pawh rel a ni.

Heng bakah hian Centrally Sponsored Schemes (CSS) hnuiaia hnathawk te chungchang leh Mizoram sawrkar hnuiaia contract leh provisional employee te dahngheh chungchang rel a ni a, aikal chungchanga dan kenkawh tur rel niin Rifle Allowance cheng 40 ni thin chu cheng 80 a tihsan rawtna pawh sawiho a ni.

Thutkhawmah hian Mizoram Ceiling on Government Guarantees (Amendment) Bill, 2024, Draft Mizoram Electric Vehicle Policy, 2024 leh ruangphurh chungchanga sawrkar kenkawh tur chin rel a ni a, Scheduled Tribes & Other Traditional Forest Dwellers (Recognition of Forest Rights) Act, 2006 bakah Mizoram consumer te hamthatna tur chungchang rel a ni bawk.

(CORR)

<><><>

MELTHUM EVACUATION ORDER

Cyclone Remal thawh laia chhiatna thlenna hmun Melthum a chenna in 3 te chu ruahtui a tam chuan a himlo a ngaih a nih avangin, heng in 3 te hi hmun him lam pan rih tura tih an ni.

Aizawl District Disaster Management Authority Chairman, DC Pi Nazuk Kumar I chuan nimin khan thupek hi chhuahin, kar kalta Inrinni a mithiamte'n Melthum lei minna hmun joint inspection an neihna a an hmuh chhuah angin in 3 chu ruahtui tam zawk a tlak zel chuan him lo thei a ngaih a ni a ti a, ruah a sur zel chuan a hlauhawm theih dawn avangin, heng in a cheng te hi thuleh awm hma chu an in chhuahsan rih tur a ni a ti.

Heng in 3 te hi, Pu Malsawmzuala, KK Thanga leh Hrangkhuma te chenna in a ni.

(CORR)

<><><>

LUNGLEI DISTRICT CHILD WELFARE COMT

Lunglei District Child Welfare and Protection Committee Lunglei District Bawrsap Pi Ramdinliani kaihhruaia nimina thukhawm chuan thu hrang hrang an rel a,

Sawrkah leh Private Sikul-ah Nodal Teacher for Child Protection ruat tura rel chu District Education Officer in ruahmanna siam tura tih niin District Child Protection Unit in training buatsaih sak tura tih a ni. Dan lova ram chhung leh ram pawn a naupang lakluh leh thawnchhuah chungchangah member ten ven leh vil kawngah hmalak ni se an ti a. Lunglei District Task Force on Child and Adolescent Labour (Prohibition and Regulation) Act, 1986 din chungchang sawiho bawkin he Task Force hi din a ni tawh tih tarlan a ni.

Awareness/Sensitization on POCSO Act, Child Labour, Child Marriage, Child Trafficking, Drug Use, HIV, Tobacco Use chungchangah School leh kohhranah te zirtirna tam zawk pek ni se, Booklet siam a sem tura buatsaih bakah ASHA leh Anganwadi Worker te hman tangkai ni se tih a ni. Home hrang hranga naupang te hriselna endik sak tu tur Doctor, Senior Chief Medical Officer leh Christian Hospital, Serkawn te ruahmanna siam sak tura ngen ni se, Observation Home leh Special Home te tan ruahtui khawlna tur tanky ngaihtuah sak leh Home naupang te tan kut themthiamna lam hmalak sak dan tur te rel a ni. Naupang ruihhlo leh hursualna hmang diklo te tan Child Care Institution din dan tur leh hmalak dan tur rel a ni bawk.

Lungleiah hian Home paruk awmin hmeichhe naupang 49 leh mipa naupang 80, an vaiin naupang 129 an awm a, Mizoramah kum 2023 khan POCSO Act hnuaiah case 112, Minor Rape under IPC hnuaiah case 3 leh kum 2024-ah POCSO Act hnuaiah case 12 awm thu tarlan a ni.

(CORR)

<><><>

SERCHHIP

Serchhip District Road Protection Squad Team C te chuan an leader Dr Marilyn Lalruatkimi, SDC hovin Serchhip khaw chung Kawnpui, Chhim Veng leh Hmar Veng VC area-a kawngpuite an endik a.

He hunah thawk chhuakte hian chipchiar taka kawngpuite fangin VC ten an lo dawngsawng a. Kawngpui pawimawh zual leh lunlai deuh te ngaih pawimawh niin lirthei leh mipui veivahna atana hnawh thei thil dahtute chu insenghawi turin an hriattir a ni.

Serchhip Road Protection Squad te hian Serchhip khawpui chungkawngte hi a him tawh em tih leh vantlang tana hnawh thama kawngpui nek an awm em tih te an endik thin a. Kawng kama dawh leh Workshop nei ten kawng an nek em tih te, garage nei loa kawng sira lirthei riah thin te an awm em tih te an endik thin a. Team 4 (A, B, C leh D)-ah inthenin official te bakah tlawngai pawl hruaitute leh Joint VC hruaitute an tel a. Serchhip khawpui chung VC area hrang hrangah insemdarhin a tah tawlin kawngpui te hi an endik thin a ni.

(DIPR)

<><><>

CHAMPHAI

Champhai khawpui kianga luang Keilungliah lui khuah enkawl kawngawhphur tura Sawrkarin a din, 'District Level Committee on Post Completion Management & Maintenance of Dam Reservoir cum Recreation Centre at Keilungliah' chu nimin khan an Chairman, Pu James Lalrinchhana, District Bawhsap hovin DC Conference Hall-ah an thukhawm a.

Pu James Lalrinchhana chuan Keilungliah tuikhuah chu Champhai tana hmasawna ruhrel pawimawh tak, khawpui timawitu leh sik leh sa chena thlak danglam theitu a nih thu a sawi a. Mipuiin an hlut thu leh sum leh pai lakluh nana remchang tak a nih thu sawiin, hawngfel a nih hnua cheibawl kawngah line department leh NGO kaltlangin theih ang ang hmalak a ni, a ti a. Keilungliah tuikhuah enkawl kawngah neitu thinlung pu chungawh infinchhuah zel a pawimawh thu sawiin, line department hrang hrangte leh khawtlang inkarah thawhona tha chhawmnun zel a pawimawh thu a sawi bawk.

He hunah hian Member Secretary PHE EE. Z.D Dengthuama, Champhai WATSAN Division-in report a pe a. Keilungliah kama thingphunte a nung dam that thu sawiin, a kama chawlhna in sakte a him zel theih nana neitu thinlung put tlan a tul thu a sawi a. Keilungliah fintu luidung tihfai kawngah thalaite'n theihtawp an chhuah thu tarlangin fakawm a tih thu a sawi a. Keilungliah tuikhuaha tui tling zat chu litre nuai 4000 vel bawh nia chhut a nih thu a sawi bawk.

He hunah hain Keilungliah tuikhuah tihchangtluna cheimawina tur UD&PA kaltlangin cheng nuai 51 dawn beisei a nih thu tarlan a ni a. Keilungliah tuikhuaha bawlhhlawh lut thinte danchah a nih theih nan leh a kama thingphun turin AMRUT, UD&PA kaltlangin cheng nuai 90 senna tur project theihluh a nih thu tarlan a ni a. MP Fund cheng nuai 10 senga View Tower sak a nih tur thu tarlan a ni bawk a.

Tihchangtlunna tur project-in Swadesh Darshan 2.0 Itenary 1 a paltlang tawh thu tarlan a ni bawk.

Meeting-ah hian Hmunhmeltha khawtlang tana Keilungliah tuikhuah atanga tuilak dilna lut chu ngaihtuah a ni a. Keilungliah tuikhuaha tui tling zat water volume leh khawtlang mamawh zat nia hriat zirchiannate sawiho a ni a; tui tling zat leh khawtlang mamawh zat chhutin PHE Department-in Model Project DPR a siam chu hmalak chhunzawm phalsak a ni.

<><><>

AGRI MINISTER

Agriculture Minister Pu PC Vanlalruata'n New Delhi ah Ministry of Agriculture & Farmers Welfare hotute Sumdawn dan kalhmang a sawipui.

Agriculture Minister hian New Delhi a thlaithar wholesale a zawrhna, Azadpur Mandi tlawh tel in, wholesale a thil lei thin sumdawng lian te chu sawhthing leh thlai danga insumdawn tawn dan tur a sawipui a. Sumdawng lian te hian Mizoram sawhthing an lei duh thu sawiin, an in dawr dawn a nih chuan Mizoram chung ngeiah grading unit din ni thei se an duh thu an lo hrilh a, a rate tur leh a buaipui dan tur te la sawi chhun zawm atan an dah a ni.

Minister hian Special Secretary to Department of Fertiliser A. Neeraja hmuin kuthnathawktu ten man tlawm zawk leh chatlak lova leitha an hmuh theih dan tur a sawi pui a, Ministry of Agriculture & Farmers welfare Secretary Manoj Ahuja leh Pu Franklin L Khawbung, Joint Secretary te pawh an pisa ah hmuin anni hian sorkar laipui scheme hrang hrang hnuaiyah project a tam thei ang ber theh lut turin thu an lo rawn a. Manoj Ahuja chuan Mizorama Grape, Serthlum, Lakhuihtheih leh Dragon fruit zir chian atul tiin hma la nghal turin National Horticulture Board Director a hriattir nghal a ni.

(CORR)

<><><>

CYMA

Tun hnaia ruahsur avanga tui lianin Tlawng luia PHE tui pump na a chim avang leh bungrua a len bo hlut zawng chu cheng vbch 13 hu vel nia hriat a ni.

Central YMA hnuaiyah Health & Sanitation Sub- Committee te chuan nimin khan Reiek kai, Tlawng luia PHE Tui Pump-na hmun, tunhnaia ruah sur nasa in a tihchhiatna hmun te an tlawh a. Tui lianin a chim vang a bungrua a tih chhiat leh bungrua a len bo te chu cheng vbch 13 vel hu ni a hriat a ni tih PHE hotuten an lo hrilh a ni.

PHE thawktute sawi danin Tun tum tui lian hi kum 2017 a tuilian in a chim chin aiin feet 5 chuang a sang a chim a ngaih a ni a, Tui hi an pump na hmun ah hian chirhdum a tam em avangin vawiin thleng hian pump karlakah dum thenfai hna thawh tel zel a ngai tih an sawi bawk.

Phase- I ah hian Store Room pahnih hi tui lian hian a ti chhe hneh hle a, spare part hlu tak tak enggemaw zah a len bo bakah Store Room bula an khawl lian dah te pawh tuin a chim vek avangin tun maiah chuan a chhiat that hre turin tih nun

ngam a la ni lo a, Phase -I a tui pump khawl electric hmang pahnih te hi tui in a chim ve bawk avangin Technician ten a chhiat dan an chhui mek a, khawl hi eng chen nge hman theihloha a awm tur hi ala hriatloh a, Backup pump pahnih an neih ah pakhat chhia awmin karkhat chhungin zaa 85% siam that niin Phase -2 pump thawk thei a siam hman a ni a, Tui nut dan a zira danglam thei niin tui a nuin Phase -2 a Pump pakhat leh Phase 1 a diesel pump khawl hmangin tui an pump thin a, phase 2 pump pahnih zaa 85 a an pump in nikhat ah maktaduaih 18 vel an pump thei ni a hriat a ni.

(CORR)

<><><>

ELECTION COMMISSION

Election Commission chuan nimin tlai khan Rajghat-ah Mahatma Gandhi zahna a hlan a, tun hnaia inthlanpui zawh tak tharum thawhna telloa muanawm taka zawhfel anih avangin Hnam Pa hnenah an hlan a ni. EC chuan thuchhuah siamin, Mahatma Gandhi-a'n tharum thawh lo tura a thuchah hian inthlanna muanawm leh tharum thawhna awm lo tura a inpekna a tichak a ti a. India mi zawng zawng ten inthlanna neih theihna tur dikna chu engti kawng pawhin dan a nih loh nan Commission chuan theihtawp a chhuah thu a sawi.

Jammu and Kashmir leh Manipur te pawhin an tha tak maia inthlanna an nei chuan entawn tur an siam a, hei hian hmalam hun atan thil tha tak a hril a ni a ti a. Bullet (silaimu) ni lovin ballot chu remna leh hmasawna kawng a nih thu a sawi uar hle.

Poll body chuan inthlanna kalpui dan tihchhiat tumna zawng zawng thuthang leh rinhlelhna bulpui nei lo hmanga tihchhiat tumna zawng zawng chu a hnawl thu a sawi bawk a, hei hian buaina a siam thei a ni.

(News On Air)

<><><>